

TEZAU LITURGIC

23 MARTIE

**ACATISTUL
SF. CUVIOS-
MĂRTURISITOR
SERGHIE
SREBRIANSKI
DE LA TVER**



MOSCOVA, 2000



Акафист

СВЯТОМУ

преподобноисповеднику

Сергию Сребрянскому

Конда́к 1

Избра́ннаго Бо́жиим велѣ́нием на крѣ́ст па́стырскаго служѣ́ния, моли́твенника изря́днаго и утѣ́шителя тѣ́плаго, пра́ведных Ма́рфы и Мари́и усѣ́рднаго почита́теля, Радо́нежскому чудотво́рцу соимѣ́нника и испове́дника, преподо́бнаго отца́ на́шего Сѣ́ргия почти́м, я́ко имѣ́й дерзнове́ние ко Го́споду от вся́ких нас бе́д свобождáти и на пúть покая́ния напра́вляти, в пѣ́снях немóлчно вопи́ющих:

Ра́дуйся, преподобноисповѣ́дниче Сѣ́ргие, па́стырю до́брый и усѣ́рдный моли́твенниче.

И́кос 1

А́нгельским горѣ́нием восхотѣ́вый, преподо́бне, от ю́ности бли́жнему послужи́ти, а́ще и недостóйна себѣ́ во глү́боцем сми́реннии

па́стырства духо́внаго зря́, оба́че имѣяй тёплаго
засту́пника, святы́теля Митрофа́на
Воро́нежскаго, яковѣ́й в видѣ́нии сна́ тебе́
благословля́ше, обре́л еси́ благода́ть предста́ти
Престо́лу Госпо́дню. Мы́ же, таковое́
промышле́ние Бо́жие о тебе́ ви́дяще, си́це рце́м:

Ра́дуйся, от пелѣ́н сосу́дом избра́нным
Свята́го Ду́ха бы́ти предусмо́тренный; ра́дуйся,
от младе́нства на служ́бу Царю́ Сла́вы
при́званный.

Ра́дуйся, изде́тска по́ст возлюбѣ́вый; ра́дуйся,
сы́не утеше́ния и ча́до послуша́ния.

Ра́дуйся, я́ко измла́да стра́ждущим
порабо́тати возжелáл еси́; ра́дуйся, я́ко в чужде́й
стране́ в Правосла́вии укрепи́лся еси́.

Ра́дуйся, о по́кое своём неради́вый; ра́дуйся,
всего́ себѣ́ в ру́це Бо́жий преда́вый.

Ра́дуйся, вразумле́ние у небе́снаго твоего́
покрови́теля проси́вый; ра́дуйся, я́ко у святы́х
его́ моще́й благода́ть священ́ства получи́вый.

Ра́дуйся, служи́телю Свята́я Святы́х
изрядный; ра́дуйся, Цари́цы Небе́сной
почита́телю при́сный.

Ра́дуйся, преподо́бноиспове́днице Се́ргие,
па́стырю до́брый и усе́рдный моли́твенниче.

Конда́к 2

Ви́дя себѣ благода́тию свяще́нства оде́анным,
просла́вил еси́ Творца́ вся́ческих в дея́ниих
свои́х, не скры́ бо в земли́ да́нный ти́ от Бо́га
талант, егѡ́же и́мя е́сть любы́, но приумно́жил
еси́ егѡ́ стокра́т. Те́мже и по сме́рти не
оскудева́еши изливáти то́ки милосе́рдых чуде́с
твои́х и ско́рое вспомо́жение подава́еши
вопи́ющим ти́: Аллилу́ия.

И́кос 2

Ра́зум недоразумева́емый разуме́ти ища́,
досточу́дне, потща́лся еси́ свы́ше вразумле́ние
получи́ти, ка́ко стра́шно е́сть Та́инственное
Бра́шно сие́ и ко́льми́ стра́шно Твое́, Го́споди,
Распя́тие. Си́це помы́сливше, воспо́им такова́я:

Ра́дуйся, я́ко со стра́хом и трéпетом вы́ину
Свято́й Трапéзе предсто́ял еси́; ра́дуйся, я́ко со
тща́нием ве́лиим ко Святы́м Та́йнам присту́пал
еси́.

Ра́дуйся, А́нгелов собесе́дниче и преподо́бных
ра́дование; ра́дуйся, чистоты́ душе́вныя и
телесны́я храните́лю.

Ра́дуйся, честный о́бразе па́стыря крѣткаго;
ра́дуйся, ду́шу свою́ полага́вый за словѣсныя
о́вцы.

Ра́дуйся, я́ко в моли́тве за па́ству свою́ не
оскудева́й; ра́дуйся, и на́с, малоду́шных,
укрепля́й.

Ра́дуйся, преиспо́лненный вся́кия
благосты́ни; ра́дуйся, моско́вския и тве́рскія
земли́ сугу́бый моли́твенниче.

Ра́дуйся, я́ко свя́то и непоро́чно зде́ пребыва́л
еси́; ра́дуйся, я́ко ча́да своя́ вы́ну го́рняя
помышля́ти наставля́л еси́.

Ра́дуйся, преподо́бноисповѣ́дниче Сѣ́ргие,
па́стырю до́брый и усѣ́рдный моли́твенниче.

Конда́к 3

Про́мыслом Бо́жиим во гра́де Орле́ просия́вый,
иде́же па́ству свою́ моли́твами, я́ко оре́л птенцы́
сво́я крила́ми покрыва́л еси́, вы́ну очима́ ума́
своего́ Крѣ́ст Христо́в созерца́я, ско́рбных и
печа́льных утеша́л еси́, да просвети́тся свѣ́тъ тво́й
пред челове́ки, внего́да зва́ти ти́: Аллилу́иа.

И́кос 3

Име́яй любы́ нелицеме́рную, преда́л еси́ всего́
себе́ Созда́телю вы́шних и ни́жних Искупи́телю и

бы́л еси́ по́мощник стра́ждущим в неду́зах,
уте́шитель скорбя́щих, путево́дитель заблуж́дших
в мо́ре жите́йских попече́ний, а́лчущих и́стины
пита́тель, младе́нствующим в добродете́ли
наста́вник, вопи́ющих такова́я:

Ра́дуйся, се́ятелю сло́ва Христо́ва усер́дный;
ра́дуйся, моли́твенниче о пасо́мых приле́жный.

Ра́дуйся, я́ко храмосзда́теля по́двиг подъя́л
еси́; ра́дуйся, я́ко храни́лище писа́ний
богоду́хновенных собра́л еси́.

Ра́дуйся, наста́влени́ем в зако́не Госпо́днем
о́троки вразуми́вый; ра́дуйся, безсребренниче,
вся́ земна́я стяжа́ния презре́вый.

Ра́дуйся, пло́д духо́вный собра́вый; ра́дуйся,
любы́, ра́дость, ми́р, долготерпе́ние стяжа́вый.

Ра́дуйся, я́ко вои́н Госпо́день бы́л еси́;
ра́дуйся, я́ко плоть свою́ со страстьми́ и
похотьми́ распя́л еси́.

Ра́дуйся, воздержа́ние вы́ну име́вый; ра́дуйся,
в Ду́се ходя́щий и на́ша тяготы́ нося́щий.

Ра́дуйся, преподо́бноиспове́дниче Сёр́гие,
па́стырю до́брый и усер́дный моли́твенниче.

Кондак 4

Бѹрная стремлѣнія міра сего остаѳил еси́, ѳтче преслаѳне, и востѣкл еси́ облобызати честны́я мо́щи Сарѳвскаго чудотѳорца, блаже́ннаго Серафѳма. То́йже связа́ дво́ицу честну́ю, Великоименѳту́ю Княгѳню Елисаве́ту и па́стыря крѳткаго Митрофа́на, благослови́ я́ на сорабо́тничество и бе́ те́м при́сный помо́щник. Мы́ же, ра́дующеся сему́, воспеѳа́ем вы́ну: Аллилу́иа.

И́кос 4

Слы́ша словеса́ Бо́жия и держа́ я в се́рдце своѳм, я́ко па́стырь до́брый и ста́до его́ еди́ны сѹть, потща́лся еси́ тещи́ с во́ины супрѳти́в безбо́жныя ага́ряны, мы́ же таковой́ твое́й любѳѣ дивя́щеся, воспеѳа́ем си́це:

Ра́дуйся, па́ству свою́ во бра́нех не остаѳивы́й; ра́дуйся, с нею́ все́ тяготы́ во́инскаго жити́я раздели́вый.

Ра́дуйся, хла́д и зно́й смире́нно претерпе́вый; ра́дуйся, я́ко от Святы́я Трапѳзы во́ины утеша́л еси́.

Ра́дуйся, я́ко о́ных не устраши́тися часа́ сме́ртнаго призыва́л еси́; ра́дуйся, я́ко те́х в небе́сная селе́ния досто́йно провожда́л еси́.

Ра́дуйся, я́ко о во́инех твои́х попече́ние имела́
Княги́ня милосе́рдная; ра́дуйся, о се́й
пра́веднице моли́твенниче непреста́нный.

Ра́дуйся, предста́тельством своимъ бли́жних
охраня́еши; ра́дуйся, погиба́ющих во гресе́х
исправля́еши.

Ра́дуйся, ду́ш отча́явшихся с Бо́гом
прими́ре́ние; ра́дуйся, ка́ющимся грѣшникомъ по
Бо́зе ра́дование.

Ра́дуйся, преподо́бноисповѣ́днице Серге́е,
па́стырю до́брый и усе́рдный моли́твенниче.

Конда́к 5

Зря́, блаже́нне о́тче, я́ко си́ла Бо́жия в не́мощи
соверша́ется, егда́ скорбя́щая вдови́ца Княги́ня
Елисаве́та безбо́жнаго врага́ прости́ла е́сть и
а́бие удали́лася ми́ра сего́, па́че вся́кия его́
добро́ты возлюбивши Бо́гу и бли́жнему служи́ти,
возгласи́л еси́ в се́рдце твоёмъ: Аллилу́иа.

И́кос 5

Ви́дящи Вели́кая Ма́ти Елисаве́та, ка́ко чу́дно
жити́е твоё и доброхва́льно, потща́лася е́сть во
глави́зну кано́на оби́тели своея́ словеса́ твоя́
положи́ти. Тогда́ воззва́ тя от преде́л Орло́вскихъ,
возглаша́ше си́це:

Ра́дуйся, я́ко коего́ждо бы́ти оби́телию
Свята́го Ду́ха призыва́еши; ра́дуйся, я́ко
непреста́нной моли́тве и трезве́нию навча́еши.

Ра́дуйся, слова́ жи́зни ве́чныя вы́ну
глаго́лавый; ра́дуйся, све́том Ева́нгелия
свети́тися лю́ди твоя́ наста́вивый.

Ра́дуйся, я́ко о́браз Бо́жий во вся́ком челове́це
почита́л еси́; ра́дуйся, я́ко подо́бие Бо́жие
стяжа́ти ча́да твоя́ увещева́л еси́.

Ра́дуйся, со стра́хом Бо́жиим в До́м Госпо́день
входи́вый; ра́дуйся, о покое́ своём неради́вый.

Ра́дуйся, увеселе́ние и отра́до к тебе́
прибега́ющих; ра́дуйся, служе́нию
апосто́льскому поревнова́вый.

Ра́дуйся, я́ко о вольных Стра́стях Госпо́дних
никогда́же забыва́л еси́; ра́дуйся, Цари́цу
Небе́сную, я́ко Игу́мению оби́тели твоея́ ублажа́л
еси́.

Ра́дуйся, преподо́бноиспове́днице Сёргие,
па́стырю до́брый и усёрдный моли́твенниче.

Конда́к 6

Пропове́дника богоно́сна зря́ще ты́ орло́вская
па́ства твоя́, ве́лиим рыда́нием и сто́ном объята́
бы́сть: не оста́ви нас си́рых, о́тче

возлюбленнейший, восклицаящи и вопиючи
горце: Аллилуиа.

И́кос 6

Возсия́ свѣтъ житія́ твоего́, гра́ды и ве́си
держа́вы Росси́йския озаря́я. Та́ко испо́лнишася
словеса́ Ева́нгельская, я́ко не подоба́ет
свѣти́льнику под спѹдом сто́яти, но на свѣ́щнице
всѣм свѣти́ти. Те́мже тебѣ́, на вели́кое служе́ние
во оби́тели свято́й призва́нному, воспева́ем
си́це:

Ра́дуйся, два́краты от Го́спода отъя́тием
десни́цы вразумле́нный; ра́дуйся, от ико́ны
Пречи́стая Врата́рницы исцеле́нный.

Ра́дуйся, благослове́ние на но́вое служе́ние от
духonóсных ста́рцев испроси́вый; ра́дуйся,
всеце́ло себѣ́ во́ле Бо́жией покори́вый.

Ра́дуйся, вся́ си́лы своя́ на свято́е послуша́ние
положи́вый; ра́дуйся, послуша́нием смире́нным
Вели́кую Княги́ню возвесели́вый.

Ра́дуйся, чистоты́ ума́ усердны́й храни́телю;
ра́дуйся, даро́в Свята́го Ду́ха приле́жный
стяжа́телю.

Ра́дуйся, кади́ло благоуха́нное; ра́дуйся,
сосу́де благода́ти избра́нный.

Ра́дуйся, крѣ́не ра́йский, в Росси́йстей земли́
прозя́бший; ра́дуйся, дре́во
благосенноли́ственное, добродѣ́тельми
украше́нное.

Ра́дуйся, преподо́бноисповѣ́дниче Сѣ́ргие,
па́стырю до́брый и усѣ́рдный моли́твенниче.

Конда́к 7

Хотя́ избра́нну хра́мину Ду́ха Свята́го себѣ́
сотвори́ти, востѣ́кл еси́, о́тче блаже́нне, во
оби́тель сестѣ́р Ла́заревых всѣ́м се́рдцем Бо́гу и
бли́жним послужи́ти, совокупи́л еси́ обо́я: благо́ую
ча́сть убо́, я́ко Мари́я; в моли́тве, и ми́лостивую,
я́ко Ма́рфа, в дея́нии, те́м же показа́л еси́ на́м
пу́ть добродѣ́тели, при́сно глаго́ля: Аллилу́иа.

И́кос 7

Дивна́го служи́теля святы́х Ма́рфы и Мари́и
ви́де тя́ блаже́нная Елисаве́та, умили́ся се́рдцем
и возра́довася ду́хом, я́ко не оста́вил е́сть
милосе́рдый Госпо́дь ю́ еди́ну, вопия́ше си́це:

Ра́дуйся, глаго́лом Госпо́дним стра́ждущих,
утеша́й; ра́дуйся, ева́нгельская́ слова́
исполня́й.

Ра́дуйся, позна́нию божественных и́стин
прему́дрый учи́телю; ра́дуйся, чистоты́
Правосла́вной ве́ры при́сный ревни́телю.

Ра́дуйся, в сове́тах николи́же па́ству свою́ не
оставля́ли; ра́дуйся, ду́ши ча́д своих от страсте́й
и грехо́в па́губных очища́яй.

Ра́дуйся, рекий, я́ко си́лу Христо́ву не
возмо́жет ничто́ поколеба́ти; ра́дуйся, я́ко сесте́р
оби́тели в многотру́дных по́двигах укрепля́л еси́.

Ра́дуйся, я́ко те́х позна́ти немо́щь свою́
наставля́л еси́; ра́дуйся, я́ко слова́: «без Мене́
не мо́жете твори́ти ничесо́же», — возлюби́л еси́.

Ра́дуйся, иноки́ням духо́вный наста́вниче;
ра́дуйся, и ны́не мона́шествующим ко спасе́нию
путево́дителю.

Ра́дуйся, преподо́бноиспове́дниче Се́ргие,
па́стырю до́брый и усе́рдный моли́твенниче.

Конда́к 8

Стра́нно чу́до и пресла́вно сотвори́л е́сть Госпо́дь
во дни́ земна́го жити́я твоего́, егда́ яви́ тя
отрокови́це в со́нном виде́нии, вку́пе с
многострада́льною Княги́нею Елиса́ветою, в
ра́йских черто́зах поклонéние Небе́сному Жениху́

творящих, в ризы пресвѣтлыя одеяни и венцы
нетлѣнными увенчани, поюще Богу: Аллилуиа.

Икос 8

Весь бѣ в нижних и вышних никакоже отступи
Превѣчное Слово. Оле страшнаго таинства, оле
благоутробия Божия, ибо Господь кого предузна,
того и предызбра, темже небесную славу твою
зряще, взываем:

Радуйся, на крест исповѣдничества от юности
предызбранный; радуйся, многими труды и
скорбьми вышня селения достигнувый.

Радуйся, в горней обители Марфы и Марии
пребывающий; радуйся, тамо присно за ны
молящийся.

Радуйся, в бѣлыя одежды милосердия и
многострадания одѣанный; радуйся, о грядущих
страданиях за истину Господом извещенный.

Радуйся, с преподобным Сергием и святой
Елисаветою Престола Вышняго предстоящий;
радуйся, лицем к Лицу Царя царствующих
зрящий.

Радуйся, в соборе новомучеников и
исповѣдников прославленный; радуйся, о

земно́й сла́ве неради́вый, сла́вою небе́сною
осия́нный.

Ра́дуйся, ты́ бо му́дрость ве́ка сего́ презре́л
еси́; ра́дуйся, ты́ бо вы́сшую Му́дрость и И́стину
Христа́ возлюби́л еси́.

Ра́дуйся, преподо́бноиспове́дниче Се́ргие,
па́стырю до́брый и усе́рдный моли́твенниче.

Конда́к 9

Все́ естество́ а́нгельское удиви́ся, зря́
богоуго́дное жити́е твоё, свя́те, и́бо во плóти я́ко
бесплóтен яви́лся еси́ и возмо́гл умертви́ти
стра́сти грехо́вныя, целому́дрием и смире́нием
ко́зни лука́ваго мироде́ржца побежда́я и того́
кова́рствия в ничто́же обра́щая, мы́ же тако́вии
труды́ тво́я узре́вше, воспева́ем: Аллилу́иа.

И́кос 9

Вети́я многовеща́нныя, я́ко ры́бы безгла́сныя
ви́дим о тебе́, о́тче Се́ргие, недоуме́ют бо
глаго́лати, ка́ко врази́ Христо́вы, де́рзостно
хотя́щий оби́тель милосе́рдия разори́ти, узна́ша
тя́ па́стыря до́браго и отца́ чадолюбиваго, гра́да
Орла́ дивное прозябе́ние, стыдо́м вели́ким
объя́тыя, от а́гниц Бо́жиих отступи́ша. Мы́ же,
чу́до тако́вое ви́дяще, ве́рно вопие́м:

Ра́дуйся, Го́спода сла́вящий, вре́мя страда́лицам на покая́ние да́вшего; ра́дуйся, я́ко от пленённой Княги́ни попече́ние о сестра́х ея́ прия́л еси́.

Ра́дуйся, я́ко утеше́ние духо́вное скорбя́щим подава́л еси́; ра́дуйся, я́ко по́двиг ино́ческий пе́рвее вта́йне подъя́л еси́.

Ра́дуйся, святи́телем Ти́хоном на пу́ть мона́шеский благослове́нный; ра́дуйся, я́ко в а́нгельский чи́н с ра́достью и тре́петом обле́кся еси́.

Ра́дуйся, я́ко от того́ часа́ до сме́ртнаго обе́ты мона́шества сохрани́л еси́; ра́дуйся, поноше́ния вся́ческая, я́коже обеща́, претерпе́л еси́.

Ра́дуйся, во плóти живы́й духо́вно, на земли́ небе́сно; ра́дуйся, бисера́ драга́го Христа́ обреты́й.

Ра́дуйся, я́ко печа́льника россия́нского и́мя получи́л еси́; ра́дуйся, я́ко его́ путе́м моли́твою за Оте́чество шество́вал еси́.

Ра́дуйся, преподо́бноиспове́днице Сэ́ргие, па́стырю до́брый и усер́дный моли́твенниче.

Конда́к 10

Спасти́ хотя́ от поруга́ния святы́ню, пропове́да сло́во пасты́реначальника Христо́ва святы́теля Тихона: не досто́ит бо отдава́ти Ча́шу Госпо́дню на попрание. Те́мже и сподо́бися пострада́ти я́ко испове́дник, воспева́я вы́ну: Аллилу́иа.

И́кос 10

Стена́ бы́л еси́, о́тче, все́м прибега́ющим к тебе́ с ве́рою, утеше́ние подава́ти все́м скорбя́щим и озло́бленным, во дни́ безбо́жных гоне́ний и́стинных па́стырей лишённы́м. Те́мже и на́м, к тебе́ приходя́щим и ми́лостиваго твоего́ заступле́ния у Влады́ки Небе́снаго прося́щим, бу́ди по́мощь и забра́ло кре́пкое, вопи́ющим такова́я:

Ра́дуйся, пра́вил седьми́ Вселе́нских Соборо́в храните́лю; ра́дуйся, сто́лпе непоколеби́мый Правосла́вия.

Ра́дуйся, о́бразе вели́каго терпе́ния; ра́дуйся, прогоните́лю вра́жеских сомне́ний.

Ра́дуйся, ты́ бо у́зы темни́чныя ра́достно претерпе́л еси́; ра́дуйся, сла́ва Бо́гу за все́ вы́ну восклицáл еси́.

Ра́дуйся, под Покро́вом Пресвяты́я Влады́чицы жити́е твоё соверши́л еси́; ра́дуйся, Ея́же водите́льством в тверскі́я преде́лы пресели́лся еси́.

Ра́дуйся, я́ко и во изгна́нии твоём гони́мыя ча́да собра́л еси́; ра́дуйся, от сея́ земли́ к Небе́сным оби́телем предста́вился еси́.

Ра́дуйся, и по предста́влении твоём нас не оста́вляющий; ра́дуйся, явле́нием мо́щей твои́х нас укрепля́ющий.

Ра́дуйся, преподо́бноиспове́дниче Сѣ́ргие, па́стырю до́брый и усѣ́рдный моли́твенниче.

Конда́к 11

Пе́ние всеу́сѣрдное прино́сим ти́, Сѣ́ргие испове́дниче, ка́ко возмо́гл еси́ претерпе́ти толи́кия непра́вды и попрáния, лишѣ́ния и изгна́ния, равночи́сленная бо песка́ морска́го поругáния, воспева́я си́це: Аллилу́иа.

И́кос 11

Светопода́тельна свети́льника зри́м тя́, Сѣ́ргие свя́те, егда́ ты́ во изгна́нии су́щий, невеще́ственный о́гнь моли́твы Иису́совой в се́рдце своём нося́й, возсыла́л еси́ хвалу́ Творцу́ вся́ческих, те́мже почита́ем тя́ си́це:

Ра́дуйся, со смире́нием суровство́ пине́жскаго
изгна́ния восприя́вый; ра́дуйся, и в се́м
изгна́нии посеще́нием ча́д твои́х утеше́нный.

Ра́дуйся, я́ко та́мо в ста́рости твоёй тяж́кия
труды́ претерпе́л еси́; ра́дуйся, я́ко по́мощи
Бо́жией дивно́ сподо́бился еси́.

Ра́дуйся, в гоне́ниях моли́твенниче
непреста́нный; ра́дуйся, свы́ше от Засту́пницы
Усе́рдной утеше́нный.

Ра́дуйся, я́ко бре́мя скорбе́й при́сных твои́х
поне́сл еси́; ра́дуйся, и во у́зах по́двига
ста́рчества не оста́вил еси́.

Ра́дуйся, высо́то́ духо́внаго прозре́ния;
ра́дуйся, глуби́но́ божество́ннаго смире́ния.

Ра́дуйся, восше́дый на высо́ту́ небе́сных
добродете́лей; ра́дуйся, вся́ земна́я во уме́ты
вмени́вый.

Ра́дуйся, преподо́бноиспове́дниче Се́ргие,
па́стырю до́брый и усе́рдный моли́твенниче.

Конда́к 12

Благода́ть да́ти восхоте́в, ущедри́ тя Госпо́дь
да́ром моли́твы непреста́нной, Небеса́
отверза́ющей. Мы́ же, зря́ще мно́жество чуде́с
твои́х, и́миже изгна́ние твоё облагоуха́л еси́,

то́ки дѣ́вных исцелѣ́ний, обѣ́димых ско́рое заступлѣ́ние, от наше́ствия инопле́мѣнник ве́си свое́я пресла́вное изба́вление, воспева́ем ти́: Аллилу́иа.

И́кос 12

Пою́ще твоѐ́ успѣ́ние, хва́лим тя́ всѣ́, я́ко одушевлѣ́нный хра́м Ду́ха Свята́го: ты́ бо в жити́и́ своѐ́м просла́ви Пресвяту́ю Тро́ицу, показу́я и́стинный о́браз преподо́бия и пра́вды. Научи́ и на́с, многогрѣ́шных, непрело́жно во́лю Бо́жию творѣ́ти, вопи́ющих ти́:

Ра́дуйся, по отше́ствии твоѐ́м тёплый за ны́ ходата́ю; ра́дуйся, я́ко пти́цы се́льные на небеса́ отше́ствие твоѐ́ воспева́ху.

Ра́дуйся, ро́ссийский земли́ небѣ́сный моли́твенниче; ра́дуйся, я́ко явлѣ́нием святы́х мо́щей твои́х зе́млю тверску́ю озари́л еси́.

Ра́дуйся, я́ко те́х благоуха́нием Бо́га просла́вил еси́; ра́дуйся, я́ко сподо́бил еси́ на́с нетле́нные тво́я мо́щи лобыза́ти.

Ра́дуйся, много́разли́чные чуде́са́ изли́вающий; ра́дуйся, ле́нivyя на моли́тву подви́гающий.

Ра́дуйся, разсла́бленныя ду́хом к покая́нию
обраще́ние; ра́дуйся, све́та Ева́нгельскаго
при́сное оза́рение.

Ра́дуйся, крѣпкое на́ше заступле́ние; ра́дуйся,
неусы́пный в ско́рбех помо́щниче.

Ра́дуйся, преподо́бноисповѣ́дниче Сѣ́ргие,
па́стырю до́брый и усѣ́рдный моли́твенниче.

Конда́к 13

О, предивный и пресла́вный, но́вый чудотво́рче,
достохва́льный исповѣ́дниче, о́тче на́ш Сѣ́ргие!
Приими́ ны́не ма́лое моле́ние си́е на́ше, во
умиле́нии серде́ц тебе́ возно́симое, и умоли́
Го́спода на́шего Иису́са Христа́, да изба́вит ны́
от вся́кия напа́сти вра́жия, от наше́ствия
инопле́мѣнник и междоусо́бныя бра́ни, и
сподо́бит нас в непреста́нной моли́тве и
покая́нии ве́ру Правосла́вную до конца́
сохрани́ти и гряду́щая в Небесе́х благая́ уллучи́ти,
воспева́я Бо́гу: Аллилу́иа.

Этот конда́к читается трижды, затем и́кос 1-
й и конда́к 1-й.

Моли́тва

Освяти́тельная главо́, преблаже́нне о́тче Сѣ́ргие,
па́стырю святы́й, моли́твенниче неусы́пный,

серафимскою любóвию ко Гóсподу горящий; ты́, бо́ я́ко еди́н от дрéвних яви́лся еси́, вы́ну Христу́ предстоя́й. Не отрини́ нас, немощных, не дерза́ющих возвести́ очеса́ на не́бо; услы́ши, о́тче священнейший, неотсту́пная проше́ния на́ша, и вознеси́ я́ от нас, до́лу поникших, ко престо́лу Пресвяты́я Тро́ицы, да сохранит милосе́рдый Гóсподь Цёрковь свою́ святу́ю от раско́лов и ересей, да изба́вит держа́ву на́шу российскую от враг ви́димых и неви́димых и пода́ст всём, ра́це честных твои́х моще́й предстоя́щим и моля́щимся тебё́, по коего́ждо потре́бе: па́стырем благоче́стие и апо́стольскую ре́вность, ино́ком покая́ние и в моли́тве пребы́вание, во́ином му́жество и любы́ ко оте́честву, боля́щим благодарéние и ско́рое вспомо́жение, и всём на́м непоро́чное во стра́се бо́жием жи́тельство; да и мы́, недостойнии, сподо́бимся предста́тельством твои́м Ду́ха Свята́го исполниться, по отше́ствии своём лю́тых мыта́рств изба́виться и блаже́нный о́ный гла́с Влады́ки Христа́ услы́шати: «Приидите, благослове́ннии Отца́ Моего́, насле́дуйте угото́ванное ва́м ца́рствие от сложе́ния ми́ра». Ами́нь.